

PM Cabar SUPP Jadi Parti Pilihan Masyarakat Cina Sarawak
mStarOnline
Februari 21, 2013

KUCHING: Perdana Menteri Datuk Seri Najib Tun Razak mahu Parti Rakyat Bersatu Sarawak (SUPP) menyahut cabaran untuk muncul sebagai parti komponen Barisan Nasional (BN) yang disegani serta parti pilihan masyarakat Cina di Sarawak.

Najib, yang juga Pengerusi BN, berkata anggota SUPP mesti bersatu dan mengetepikan perbezaan dalaman parti apabila berdepan dengan ujian sebenar meraih sokongan masyarakat Cina menjelang pilihan raya umum.

"Saya mahu SUPP memainkan peranan anda. Semoga anda menyahut cabaran dan memikirkan masa depan Malaysia, BN dan SUPP sebagai parti dalam semangat sebenar sambutan Tahun Baharu Cina dan melambung Yee Sang," katanya.

Najib berkata demikian dalam ucapannya di hadapan lebih 10,000 pengunjung pada perhimpunan sambutan pra Chap Goi Mei anjuran SUPP di bandar baharu, MJC Batu Kawah, di sini, Khamis malam.

Turut hadir isteri perdana menteri, Datin Seri Rosmah Mansor, Ketua Menteri Sarawak Tan Sri Abdul Taib Mahmud, Presiden SUPP Datuk Seri Peter Chin Fah Kui dan barisan pemimpin parti komponen BN negeri.

Acara tersebut turut disenaraikan di dalam 'Malaysia Book of Records' sebagai bilangan terbesar 10,000 orang melakukan 'low sang' (melambung Yee Sang), mengatasi rekod 4,500 orang sebelum ini.

Yee Sang ialah sejenis hidangan salad ikan mentah dengan bercampur cebisan sayur-sayuran dan beraneka sos dan perasa yang disediakan sempena sambutan Tahun Baharu Cina sebagai lambang kemewahan, kemakmuran dan kesuburan. PM Cabar SUPP Jadi Parti Pilihan Masyarakat Cina Sarawak

KUCHING: Perdana Menteri Datuk Seri Najib Tun Razak mahu Parti Rakyat Bersatu Sarawak (SUPP) menyahut cabaran untuk muncul sebagai parti komponen Barisan Nasional (BN) yang disegani serta parti pilihan masyarakat Cina di Sarawak.

Najib, yang juga Pengerusi BN, berkata anggota SUPP mesti bersatu dan mengetepikan perbezaan dalaman parti apabila berdepan dengan ujian sebenar meraih sokongan masyarakat Cina menjelang pilihan raya umum.

"Saya mahu SUPP memainkan peranan anda. Semoga anda menyahut cabaran dan memikirkan masa depan Malaysia, BN dan SUPP sebagai parti dalam semangat sebenar sambutan Tahun Baharu Cina dan melambung Yee Sang," katanya.

Najib berkata demikian dalam ucapannya di hadapan lebih 10,000 pengunjung pada perhimpunan sambutan pra Chap Goi Mei anjuran SUPP di bandar baharu, MJC Batu Kawah, di sini, Khamis malam.

Turut hadir isteri perdana menteri, Datin Seri Rosmah Mansor, Ketua Menteri Sarawak Tan Sri Abdul Taib Mahmud, Presiden SUPP Datuk Seri Peter Chin Fah Kui dan barisan pemimpin parti komponen BN negeri.

Acara tersebut turut disenaraikan di dalam 'Malaysia Book of Records' sebagai bilangan terbesar 10,000 orang melakukan 'low sang' (melambung Yee Sang), mengatasi rekod 4,500 orang sebelum ini.

Yee Sang ialah sejenis hidangan salad ikan mentah dengan bercampur cebisan sayur-sayuran dan beraneka sos dan perasa yang disediakan sempena sambutan Tahun Baharu Cina sebagai lambang kemewahan, kemakmuran dan kesuburan.

Hakcipta Terpelihara © 1995-2013 Star Publications (Malaysia) Bhd

Source:

http://mstar.com.my/berita/cerita.asp?file=/2013/2/21/mstar_berita/20130221234236&sec=mstar_berita